



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Leben Deß H. Francisci Borgiae, Dritten Generals der  
Societät Jesv, Welcher den XII. April Anno 1671. von Jhro  
Päbstlichen Heiligkeit Clemente X. in die Zahl der  
Heiligen öffentlich eingeschrieben ...**

**Cölln, 1671**

III. Jn guten Gedancken auff der Vogel-Baiß.

**urn:nbn:de:hbz:466:1-45214**

Was gibts doch täglich Streit?

Man jagt vns auff vnd nieder!

Ist schon gewichen weit/

So kombt der Feind doch wider.

10. Er ropfft vns federn auß/

Wan nit kan gang erschnappen/

Er jagt vns vmb gang grauß/

Wan nit kan gang ertappen.

Weh Vogel dir! wan nit

Im Kampff kanst überwinden/

Der Falck der reißt dich mit/

Wo wird man dich dan finden?

11. Franciscus dts bedacht/

Daran so viel gelegen/

Drum spielen nit viel acht/

Dis ~~meyn~~ war zuerwegen.

Francisce gib/ daß er

In Zämung vnserer Sitten

Ganz fleißig folgen dir/

Auff daß den streit gewinnen.

### III.

In guten Gedancken auff der Vo-  
gel, Baiß.

1. Täublein seynd an füßlein schwach/

Zragen nit viel Waffen nach/

Schwach sie auch an schnäblein seyn/

Drum sie keinen streit gehn ein.

E 3

2. Wann



2. Wan sie sich zu weit gewagt/  
Vnd auff sie der Nibich jagt/  
Räumen sie der Wolcken bahn/  
Nemen fluchs das reiß auß an/  
3. Seglen dan mit einem schimp  
Bald in eine steinre Klipp/  
Daß sie nit ein Klaw ergreiff/  
Halten sich in felsen steiff  
4. Widersährt ihn dieses Glück/  
Daß erreichen solche Lück/  
Sie entgehn der grosser Noth/  
Vnd seynd sicher vor dem Todt  
5. Christi heilige rechte Seit/  
Ist ein solcher fels bereit/  
Solche Klipp die Wunden seyn/  
Vns bereit zu nemen ein.  
6. Wan der raubrisch Vogel tringt/  
Wad sich auff vns giftig schwingt/  
Daß er vns das leben raub/  
Vnd vns ganz vnd gar auffklawt  
7. Laß vns fliehen in sein Seit/  
Dieß vns eröffnet weit:  
Laß sein Wunden eylen zu/  
Laß vns suchen dort die Ruh.  
8. Sehn wir in dieselbe ein/  
Werden wir wohl sicher seyn/  
Die Franciscus dan gedacht/  
Wan er sah der Vögel Jagt.

\* \*

\*